

皇
明
制
書

皇明制書

巡撫保定等府兼提督紫荆等關都察院右副御史臣張鶴

憲綱卷之十五

皇帝勅諭禮部都察院

朝廷建風憲任之耳目綱紀之寄所以肅
百僚而貞百度也憲綱之書肇於洪武厥
後官制不同所宜因時改書而中外憲臣
往往有任情增益者我

皇考宣宗章皇帝臨御臣下屢以為言遂勅

禮部同翰林儒臣考洪武舊文而申明之
并以洪武永樂以來。

祖宗所定風憲事體著在簡冊者悉在其中。
永示遵守而益之以訓戒之言。凡出臣下
所自增者並削去之。書成

先皇帝上賓未及頒行朕嗣位之初切以風
憲為重勅有司嚴選務在得人外之憲臣
復以憲綱為言朕今於

元朝所考定中益以見行事宜爾禮部即用

刊印頒布中外諸司遵守爾都察院其下
各道御史及在外按察司官欽遵奉行其
洪武以後憲綱凡係臣下自增者不用敢
有故違必罪不恕欽哉故諭

正統四年十月二十六日

憲綱事類目錄

憲綱三十四條

糾劾百司

朝會禮儀

祭祀禮儀

點差御史

官吏取受

屬託公事

禁再糾劾

互相糾劾

出巡期限

出巡隨從

分巡巡遊

巡視倉庫

追問刑名

親問公事

珥斷詞訟

沮壞風憲

裝誣風憲

擬斷公事

約會問事

巡按失職

照刷文卷

審理罪囚 直言所見 舉明孝義

巡按卷宗 聲訴冤枉 官吏訴罪

迴避讎嫌 禁約迎送 講讀律令

選用風憲 選用吏典 比律事理

公用物件

憲體十五條

出巡相見禮儀 四條

巡歷事例 三十六條

刷卷條格 六條

憲綱事類

憲綱三十四條

糾劾百司

凡風憲任紀綱之重為耳目之司。內外大小衙門官員。如有不公不法等事。在內從監察御史。在外從按察司糾舉。其糾舉之事。須要明著年月。指陳實跡。明白具奏。若係機密重事實。封

御前開拆並不許虛文泛言。若挾私搜求細事及糾言不實者抵罪。

朝會禮儀

凡大朝會行禮若有失儀聽糾儀御史舉劾常朝大小衙門官員奏事理有未當及失儀者聽侍班御史并給事中劾奏依律罰俸

祭祀禮儀

凡祭祀

文社

宗廟山川等神若有怠於職事及失儀者並聽糾儀御史舉劾依律責罰

點差御史

凡點差御史分巡并追問審理等事都察院具事目請

旨點差回京之日不須經由本院徑赴御前復奏

官吏取受

凡告有司官吏人等取受或出首賊私等事直隸赴巡按監察御史在外赴按察司并分司及巡按監察御史處陳告追問明白依律施行其應請旨者奏聞鞫問若軍官有犯在京從都察院在外從巡按監察御史按察司并分司密切奏

請施行其各都司及衛所首領官有犯卽便

鞫問

囑託公事

凡都察院官及監察御史按察司官吏人等不許於各衙門囑託公事違者比常人加三等有賊者從重論禁再糾劾

凡糾舉官員生殺子奪悉聽

上命若已有

旨發落不許再劾

互相糾劾

凡都察院按察司堂上官及省領官
各道監察御史吏典。但有不公不法
及曠職廢事貪淫暴橫。

糾

劾毋得徇私容蔽其所糾舉。並要明
具實跡奏。

請按問明白覆奏區處。其有挾私妄奏者抵
罪。

出巡期限

凡監察御史各道按察司官。每出巡

審囚刷卷。必須徧歷。不拘限期。

出巡隨從

凡監察御史。巡按。許帶書吏一名。照刷文卷。許帶人吏二名。若應用監生臨期奏請。按察司官分巡。許帶吏典二名。承差一名。皆須官吏監生承差同行。不許相離。御史及按察司官。陸路給驛馬。水路應付站船。監生吏典承差。陸路並騎驛驢。水路應付遞運。

船俱支廩給。經過去處量撥弓兵防送。不許別帶吏典皂隸人等。

分巡迴避

凡分巡地面果係原籍并先曾歷仕寓居處所並須迴避。

巡視倉庫

凡在京及各布政司并巡歷地方倉庫局務等衙門但係錢糧出納去處從監察御史按察司并分司官不時

巡視若有作弊就便究治。

追問刑名

凡監察御史按察司官有追問諸衙門官員取受不公刑名等事除軍官京官并勲舊之臣及在外文職五品以上官具奏請

旨方許取問其餘六品以下取問明白從公決斷之後仍具奏聞若奉

特旨委問者須將始終緣由議罪回奏取自

上裁。

親問公事

凡監察御史按察司官分巡去處。如有陳告官吏取受不公等事。須要親行追問。不許轉委違者杖一百。

理斷詞訟

凡有告爭戶婚田土錢糧鬪訟等事。須於本管衙門自下而上陳告。歸問如理斷不公。或冤抑不理者。直隸赴

巡按直隸監察御史在外赴按察司
或分司及巡按監察御史處陳告即
與受理推問。如果得實將原問官吏
依律究治其應請

旨者。其實奏聞。若見問未經結絕。又赴本管
上司告理。不許輒便受狀追卷變易。
是非湏要即時附簿發下原問官司。
立限歸結。如理斷不當及應合歸結。
而不歸結者。即便究問違者。監察御

史按察司體察究治。如不係分巡時
月。及巡歷已過所按地面。却有陳告
官吏不公不法者。隨即受理追問。

沮壞風憲

凡都察院并監察御史按察司綱紀
所繫其任。非輕行事之際。一應諸衙
門官員人等。不許挾私沮壞。違者杖
八十。若有干礙合問人數。敢無故占
悞不發者。與犯人同罪。

裝誣風憲

凡監察御史按察司官巡歷去處若有官吏犯罪畏避追問故將財物婦女潛入公廨設計裝誣沮壞風憲者並許取問實封奏聞犯人處重財物沒官婦女發有司收問其出巡官吏仍不得自生嫌疑迴避致妨巡歷

擬斷公事

凡監察御史按察司官巡歷去處所

問事有擬斷不當者都察院按察總司隨即改正當該吏典罪之如律仍將原問御史及分司官擬斷不當事理具奏得

旨方許取問。

約會問事

凡有軍民相干詞訟等事移文到日其應該會問官員隨即前去若無故不即會問及偏徇占悞者從監察御

史按察司官按問其應請

旨者具實奏聞。

巡按失職

凡監察御史按察司官巡歷去處但知有司等官守法奉公廉能昭著者隨即舉聞若奸貪廢事蠹政害民者即便拏問其應請

旨者具實奏聞若知善不舉見惡不拏杖一百發烟瘴地面安置有賊者從重論

照刷文卷

凡在京大小有印信衙門并直隸衛所府州縣等衙門在外各都司布政司按察司文卷除干礙軍機重事不刷外其餘卷宗從監察御史每歲流罪名就便斷遣至死罪者議擬奏聞事內干連人數先行摘斷不須對問者發落寧家必合存留待對者知在聽候直隸去處從刑部委官與巡按

監察御史在外從都司布政司按察司及巡按監察御史公同審錄處決如翻異原招事有冤抑者即與從公辦理若果冤抑并將原問原審官吏按問其應請

旨者奏聞區處若審錄無異故延不決及明稱冤枉不與伸理者並依律罪之

直言所見

凡

國家政令得失軍民利病一切興利除害等事並聽監察御史按察司官各陳所見直言無隱若建言創行事理必須公同評議互相可否務在得宜方許實封陳奏

舉明孝義

凡孝子順孫義夫節婦忠臣烈女志行卓異可勵民風者所在有司舉申監察御史按察司覆實移文所司以

憑奏聞旌表

巡按卷宗

凡監察御史行過文卷。從都察院磨勘。按察分司行過文卷。聽總司磨勘。如有遲錯。即便舉正。中間果有枉問事理。應請

旨者。具實奏聞。

聲訴冤枉

凡按察司官。斷理不公。不法等事。果

有冤枉者。許赴巡按監察御史處聲
冤。監察御史枉問。許赴通政司遞狀。
送都察院伸理。都察院不與理斷。或
枉問者。許擊登聞鼓陳訴。

官吏訴罪

凡風憲官問定官員賊罪。如有冤屈。
許本犯從實聲訴。若果真犯實跡不
肯伏罪。或捏造挾讎等項。為訟據拾
原門者。於本犯上加二等科罪。仍押

至

午門前聽候再審。

迴避讎嫌

凡監察御史按察司官追問公事中
間如有讎嫌之人並聽移文陳說迴
避若喙膿懷私按問致有違枉者於
反坐上加二等科罪所問雖實亦以
不應科斷。

禁約迎送

凡監察御史按察司官巡歷去處各衙門官吏不許出郭迎送違者舉問如律若容令迎送不行舉問者罪同如有規避者從重論都司布政司府州官所至亦同。

講讀律令

凡

國家律令并續降條例事理。有司官吏須要熟讀詳玩。明曉其義。監察御史按

察司官所至之處令其講讀。或有不
能通曉者依律究治。

選用風憲

凡都察院各道監察御史并首領官
按察司官并首領官自今務得公明
廉重老成歷練之人奏

請除授不許以新進初仕及知印承差吏典
出身人員充用

選用吏典

凡都察院及按察司吏典。須於考退生員與應取吏員相參補用。不許用曾犯姦貪罪名之人。

比律事理

凡監察御史按察司官。追問輕重刑名。中間果有律令該載不盡者。比擬律條開具請

旨

公用物件

凡都察院合用筆墨心紅具奏劄付
京府按察司合用筆墨心紅紙劄行
移附郭府分。監察御史按察分司巡
歷去處合用紙筆硃墨灯油柴炭行
移所在有司並支給官鈔收買應用
具實銷筭。

憲體十五條

一風憲為朝廷耳目宣

上德達下情乃其職任所至之處須訪問軍

民休戚及利所當興害所當革者隨
即舉行。或有水旱災傷當奏者。即具
奏。不可因循苟且曠廢其職。

一風憲存心須用明白正大。不可任
一己之私。昧衆人之公。凡考察官吏
廉貪賢否。必於民間廣詢密訪。務循
公儀以協衆情。毋得偏聽。及輒憑里
老吏胥人等之言。顛倒是非。亦毋得
搜求細事。羅織人過。使奸人得志。善

人遭屈。

一風憲之官。當存心忠厚。其於刑獄。尤須詳慎。若刻薄不仁。專行酷虐。不思罪有大小。罰有重輕。而一槩毒刑。以逞動輒箠人至死。不惟有失朝廷欽恤之意。抑且禍及身家。雖悔無及。一居風憲者。須用持身端肅。公勤詳慎。毋得褻慢怠惰。凡飲食供帳。只宜從儉。不得踰分。

一風憲之職。其任至重。行止語默。必須循理守法。若纖毫有違。則人人得而非議之。為風憲之累矣。故所至州縣。取假分毫之物。即自玷涸。在我無瑕。方可律人。

一所至之處。博采諸司官吏行止。庶勤公謹者。禮待之。薦舉之。汙濫奸佞者。戒飭之。糾劾之。勸懲得體。人自敬服。大抵心正無私。則事公營。

一所至之處。須用防閑。未行事之先。不得接見閒雜人。凡官吏稟事。除公務外。不得問此地出產何物。以防下人窺伺作弊。

一分巡所至。不許令有司和買物貨。及盛張筵宴。邀請親識。并私役夫匠。多用導從。以張聲勢。自招罪愆。

一巡按之處。不得令親戚人等。於各府州縣等衙門。囑託公事。及營充勾

當。

一出巡同事之人。須相協和。若有所見不同而行事乖外者。可於無人之處。從容陳說利害。以開導之。彼心既悟。必能從正。凡人有言。須虛心以聽。不可偏執已見。若聽者能從。則言者亦不可矜為已功。大抵同僚同事。當如兄弟相親相愛。積誠相與。未有不相契者。凡有善相讓。有過相規。相規

之言。只兩人自知。切不可對衆發之。
庶其能從。凡處同僚。不可推惡避勞。
不可妨彼利己。不可揚己抑人。必務
協和以相助益。不但憲司如此。諸司
處同僚者。亦皆當然。

一學校者禮讓之地。凡監察御史按
察司官所至下學。先詣

大成殿拜謁禮畢。退詣明倫堂。生員講說
經史。監察御史按察司官中坐。本處

提調七品以上正佐官序坐於左。教授學正教諭訓導序坐於右。聽講餘皆立聽。布政司官下學亦同。若布政司按察司官與御史一同下學。御史左邊正面坐。布政司按察司官依品級右邊正面坐。問答之際。教官生員不許行跪禮。

一總兵鎮守官受朝廷委任。以防奸禦侮。凡調度軍馬區畫邊務。風憲官

皆無得干預。其相見相待之禮尤須
謙敬。如總兵鎮守官有犯違法重事
須用體覆明白。指陳實跡。具奏請

旨。不許擅自辱慢。其軍職有犯。具奏請

旨。已有定例。風憲官巡歷去處亦須以禮待
之。並不得輕易陵辱。

一在外鄉試。自有布政司官提調。按
察司官監試。其巡按及公差問理等
項。監察御史。毋得干預。及列名於鄉

試小錄甚失大體其所試生徒若有情弊聽行糾舉亦不得生事誣執其在京鄉試及會試合用監察御史監試如有兄弟子姪之類在內應舉者亦須迴避。

一初到按臨之處其都司布政司按察司及衛所府州縣官相見之後各回衙門辦事每日不許伺候作揖及早晚聽事遇有事務許與言領官吏

抄案或佐貳官一員前來發落不許
輒喚正官或有合令正佐官計議事
務及正佐官自來稟白者不在此例
按察司官分巡同都司布政司官所
至亦同違者從風憲官舉劾

一各衙門問過罪囚或有合斷事理
干礙計稟者先令有司定擬罪名然
後參考事例明白方可發落不可輒
自與決恐有別例議論不同宜從所

長。

出巡相見禮儀

四條

一方面官與御史初相見左右對拜
方面官來見御史前門外下馬由正
道入御史延至後堂方面官坐左御
史坐右及御史回望司前下馬由正
道入方面官迎至後堂御史坐左方
面官坐右首領官初見行拜禮御史
中立還拜。

一中都留守司官。各處按察司官。相見並如前儀。

一各衛指揮鹽運司運使同知。各府知府初見御史按察司官。上手立對拜。鹽運司副使判官各府同知通判推官。各州知州同知判官。各縣知縣及守禦千戶。初見御史按察司官。中立答拜。各衛并鹽運司各府州首領官。各縣縣丞主簿初見行拜禮。御史

按察司官起身舉手各縣典史及倉場庫務陰陽醫學僧道等官初見行拜禮御史按察司官坐受舉手其指揮運使運同知府知州問答之際不許行跪禮。

一府州縣儒學教官生員初見行拜禮御史按察司官出位中立還拜教官生員相見之後不許每日伺候作揖有妨肄業。

巡歷事例 三十六條

凡巡歷所至之處所有按治事例合用申明仰令本府州縣衙門并守禦官依上施行各另回報

府州縣

一農桑乃生民衣食之源仰本府州縣行移提調官常用心勸諭農民趁時種植仍將種過桑麻等項田畝計科絲綿等項分豁舊有新

收數目開報。

一學校為成賢育才之地。仰本府州縣提調官及學官常用心訓誨生徒肄習課業。講讀經史治道等事。以備擢用。不許懈怠。廟學損壞。即為脩理。仍將見在師生員名開報。

一存恤孤老。仁政所先。仰本府州縣行移所屬。凡有鰥寡孤獨廢疾。

無依之人俱收入養濟院常加存恤。合得衣糧依期按月支給。毋令失所。遇有疾病督醫治療。仍將見在名數具報。

一古聖帝明王先師先賢陵墓山川社稷祀典祠壇仰本州縣提調所屬常須潔淨有損壞者即為脩理。仍禁牧放樵採。

一山林隱逸懷材秉義之士。仰本

府州縣官究心搜舉。送赴京以備擢用。

一仰本府州縣取勘所屬應有孝子順孫義夫節婦忠臣烈女。果有志行卓異。明著實跡。舉保申達。毋得舉富遺貧。扶同作弊。

一原設旌善亭申明亭。但有損壞。仰本府州縣嚴督所屬。即便併工修理。榜示姓名行實。使善惡知所

勸懲母得視為文具因而廢弛先
將坊都設亭處所及善惡姓名具
報。

一鄉飲酒禮仰本府州縣行屬照
依原降圖式舉行母得尊卑失序。
其城市鄉村所司宜一體申明遵
行無為文具。

一荒閒田土仰本府州縣行屬多
方設法召民開懇趁時布種其合

納稅糧。須候例限滿日科徵。毋致拋荒。

一圩塢堰陂塘。仰本府州縣提調官。常川體勘。境內應有圩岸塢堰。坍缺陂塘溝深壅塞。務要趁時脩築堅完。疏濬流通。以備旱潦。毋致失時有傷禾稼。及因而擾害於民。一戶口。仰本府州縣取勘所屬籍定戶口。分豁城市鄉都。舊管收除

實在數目開報。

一橋梁路道仰本府州縣提調官常加點視。但有損壞。隨即脩理。務要堅完。毋致阻礙經行。

一本府州縣及所屬應有印信大小衙門。并見在官吏姓名年甲籍貫。歷仕脚色到任月日。一一開報。一本府州縣及所屬但有急缺官員。隨即徑申吏部。以憑除授。不許

稽遲。

一歲辦錢糧。仰本府州縣提督所屬依期徵收足備起解。所指倉庫交納取實收回照。不許稽遲。

一課程。仰本府州縣即將歲辦各色課程數目逐一開報。

一倉庫房屋。仰本府州縣提調官常加點視。若有損壞。即便脩理。及嚴加關防。官吏十級庫子人等。收

支作獎。仍將見在錢糧等物。分豁
新舊收除。實在備細數目。繳報。
一仰本府州縣嚴督所屬。凡有一
應差役。須於黃冊丁糧相應人戶
內從公點差。周而復始。毋致放富
差貧。那移作獎。重擾於民。

一境內盜賊。仰衛府州縣嚴督所
屬捕盜官。及應捕之人。令晝夜用
心。巡察擒獲。務要盡絕。無遺民患。

仍將捕盜官及應捕之人職名開報。

一巡檢司及關津把隘官兵仰衛府州縣督令用心守把。凡經過之人驗引明白。即便放行。不許縱放逃軍逃囚及奸細之人。仍嚴禁約官兵人等。不許生事刁蹬。取財害民。

一鈔法。仰本府州縣行屬嚴加省

諭所管城市鄉村商賈人民務要
流通毋致阻滯

一斛斗秤尺。仰本府州縣正官照
依原降式樣較勘相同官民通用。
仍將官降式樣常於街市懸掛聽
令比較。毋容嗜利之徒增減作弊。
一時估。仰本府州縣行屬務要每
月初旬取勘諸物時估。逐一覆實。
依期開報。毋致高擡少估。虧官損

民。

一軍需軍器。國用所資。但係上司
行下製造。仰本府州縣提調官。嚴
督工匠。如法製造。務要堅利精銳。
不許怠忽。其收買物料。務要依時
估給價。不許尅減作弊。

一上司收買一應物料。仰本府州
縣照依按月時估。兩平收買。隨即
給價。毋致虧官損民。及縱令吏胥

里甲舖戶人等因而尅落作弊。

一站驛仰本府州縣提調官時常
整點各驛船馬鋪陳什物俱要完
備仍鈐束慣熟梢水人夫馬夫常
川在驛聽候遞送毋致失誤先具
站船人夫什物馬驢頭匹數目開
報。

一歲造段匹等物仰本府州縣即
將織染局見在各色人匠機張及

歲辦并關支顏料等物數目開報
一急遞鋪。仰本府州縣行移所屬
提調官及鋪長。時常點視境內鋪
舍。及合用什物。務要完備。如有缺
壞。即便脩補。仍嚴督鋪司鋪兵。晝
夜在鋪聽候。走遞公文。不許暫離。
凡遞公文。不許磨擦封皮。及稽遲
沉匿。仍出榜各鋪禁約。往來差使
官員人等。不許役使鋪兵。損壞鋪

舍

一皂隸弓兵。仰本府州縣取勘額設名數。及點充月日開報。毋得多餘濫設。欺隱為奸。及經年不替。妨民生理。

一仰本府州縣。應有詞訟。疾早從公依律歸結。毋得淹延。妨民生理。及聽奸吏增減情詞。出入人罪。仍將見問囚數。分豁已未歸結。盡實

開報。毋得隱漏。

一獄禁所當矜恤。仰本府州縣官。并司獄司官。常加點視。督令獄卒。將見禁囚人。如法收禁。冬設煖柙。夏備涼漿。合得囚糧。依數支養。若有疾病。令醫治療。不許縱令獄卒人等。尅落衣糧。非理凌虐。因而瘦死。及將平民枉禁違錯。仍具獄官吏卒名數。及見監囚數開報。

一應有沒官金銀段匹銅錢及贓罰等項仰本府州縣取勘見數開坐已未起解數目具報。

守禦衙門

一指揮千百戶鎮撫總小旗並要撫卹軍士各令得所不許生事害害勒取財物及剋減月糧。

一凡係衛所去處務要高城深濠門堞堅壯如有損壞即撥軍餘脩

理不許怠慢。常常嚴督軍士。各遵
紀律。守禦地方。不許擅離信地。擾
害人民。仍於門禁關津。守把盤詰。
奸細。但有鄉村人民挑擔貨物。柴
薪等項。入城貨賣。不許指以盤詰
為由。生事刁蹬。因而勒要錢物。
一不許縱容潑皮軍餘。出入府縣。
把持官府。欺害良善。
一管軍官。不得縱令軍人離役。虛

申逃亡冒名代替及私占用營運
買賣或作佃戶等項役使

刷卷條例 六條

凡監察御史按察司分司巡歷去處
先行立案令各該軍民衙門抄案從
實取勘本衙門并屬有印信衙門合
刷卷宗分豁已未照刷已未結絕印
記張縫依式粘連刷尾同具點檢單
目并官吏不致隱漏結罪文狀責令

該吏親齎赴院以憑逐宗照刷。如刷出卷內事無違枉俱已完結則批以照過若事已施行別無違枉未可完結則批以通照若事已行可完而不完則批以稽遲若事已行已完雖有違枉而無規避則批以失錯若事當行不行當舉不舉有所規避則批以違錯如錢糧不追人贓不照之類則批以埋沒各卷內有文案不立月日

顛倒。又當推究得失。隨情擬罪。其曰
照過。曰通照。曰遲錯。曰埋沒。此皆照
駁之總名。而照刷之方。又各有其法。
今將六房照刷事例略舉于後。

一照刷吏房起送赴部官吏文卷。假
如順天府某年月日。奉奉吏部劄
付。仰行所屬應有。今該起送官吏
取勘見數一名。起送聽用。當日立
案行移大興等縣取勘花名。先申

到府案催各縣陸續照依原報名數申解完絕。取獲批收明白。卷內行移。又無遲錯事理。則卷尾批云。照過。設若起解未盡。行催不絕。則批通照。其或各縣開稱事故。文書到後。或半月。或數日。不行催問。則批云。事屬稽遲。及有先申某。今解某。本作某。却作某之類。則批云。事屬差錯。如是原申十名。已解六名。

外有四名未解經年歇案不催中間情弊不無則駁之曰埋沒照刷州縣吏房卷同。

一照刷戶房開墾荒田卷。假如保定府承奉戶部劄付仰行所屬應有荒閒田土召人開墾。合納稅糧。三年後依例科徵。據清苑縣申報人戶姓名。開過田畝數目。立案候至年限滿日。已將起科。則例花名。

田糧數目移付徵收秋卷收科了當。卷內別無稽遲差錯事件。則批刷尾云照過。設若年限未滿。申報未絕。則批通照。其或各縣甲稱見行開墾。先具人戶花名到府。遷延三五日。或數十日不行立案。行催開過田數。則批云事屬稽遲。其有原開頃畝。該科秋糧十石。却作千石之類。則批差錯。至於原申開過

田土比候年限已滿。或逾年不行收科。或將原報頃畝減多作少。其弊顯然。則當駁以埋沒。照刷州縣戶房卷同。

一照刷禮房買辦祭祀猪羊果品香燭等項文卷。先看何年月日。承奉禮部劄付。開到本府。合該祭祀杜稷先聖先賢。及風雲雷雨山川無祀鬼神等壇若干處。每壇計用猪

若干。羊若干。果品香燭等項若干。其價照依本處時估對物收買。仰於官鈔內放支。當日立案定限。行移所屬州縣收買。要見回報。是何行人物戶時估。及差委何官。眼同收買。送官應用。仍查美原估與收買價鈔相同。已用與原買之數無異。俱有行人物戶領狀在卷。祭祀已畢。事無施行。則批以照過。若或已買。

在官。祭祀日期未臨。雖皆有發付收領明白。事無施行。則就以通照其或經違日久。纔方立案。行移祭期將臨。其收買猪羊等項。尚有未備。顯是怠慢。則批以事屬稽遲。若或分派各行人物。戶所買品數皆同。而價鈔不一。且如春秋祭先師孔子。該猪六口。每口價鈔二百貫。却共作一千二百五十貫。附卷及

查行人物戶領狀實領一千二百貫并查放支官錢卷內亦止一千二百貫既已明白別無規避則批以事屬差錯其或猪羊等項已備祭祀已畢但不見所用過鈔貫花銷不見是何行人物戶收領價鈔及有無餘下物件未用責付何人收領朦朧不明顯有規避則批以事屬埋沒照刷州縣禮房卷同

一照刷兵房勾補軍役文卷。先看本府何年月日。承奉兵部劄付。或都司布政司各衛公文。坐勾補軍丁若干名。當日立案。行移各該州縣。立定期限。解府。各該州縣照依坐下名數。隨即解到。卷內見有原獲合干上司實收事。無施行。則於刷尾批以照過。若或當日立案。照依名數。行下各該州縣。或先解若

干。或全不解到。已經節次移文催併。差人坐守起解。雖以盡絕。而無實收。則批以通照。又或經違三五日。或十數日。方纔立案行移。雖各該州縣。依數起解。未見實收。則批事屬稽遲。若行移不遲。名數不缺。中間原坐張某。今解李某。案內不見審實緣由。及駁問所司官吏。雖有實收。則亦批事屬差錯。其或承

上司明文雖已立案經年不見催
舉間或行移如勾十名止解到五
六名已解者不見實收未到者又
不舉問顯有規避則批曰事屬埋
沒照刷州縣兵房卷同

一照刷刑房貪贓壞法文卷先看本
府何年月日據某人所告詞狀當
日曾無立案將本人引審或監或
保若監收原告要見為何緣故明

白立案。取具司獄司收管在卷。若或保放原告。要見立案。批差皂隸取獲保狀附卷。其狀內合問人數查照曾無立案分豁。被告干連着落所司提解。其或當日立案。差人定限分豁。被告干連着落所司提解。又看本府何年月日。據所司依限解到。坐提人數。要見當日立案。將各人引問。責與原告對理。且如

甲告乙受丙賍五十貫。乙招如告。又告丁賍四十貫。丁供明白。甲自招虛。又看甲乙丙之招詞。丁之供狀。同甲乙丙之服辯。曾無題押入卷。乙招賊鈔。曾無立案。追徵既已追徵。曾無納足。有無庫收領狀。又看有無立案引律。擬罪發落。又於發落案內。先看原發事由。中間曾無增減原狀。緊關情節。查比解到。

月日有無淹禁。次於問擬招狀項下。詳看乙所招情節。比甲所告是否同異。却於前件議得項下。參詳甲乙丙之罪名。比律允當。丁無招涉。依例疎放。又於然行事理。要見准工者差人起解的決者立案。摘斷免科者疎放寧家。追足乙名下招受贓鈔。責令該庫收貯。取獲領狀在卷。如原發事由內無增減原

收緊關情節。同擬招罪內無故失
出入人罪。前件議得下比照律條所
擬允當。照行事理內。無人贓埋沒
之弊。俱已完結。事無施行。則批以
照過。若或已提未到人數。累催不
到。原追贓鈔。催促未足。則批以通
照。其或受狀不即立案。已經數日。
方纔施行。以致提人未到。則批曰
事屬稽遲。若案內字樣不同。粘連

顛倒以致月日參差官不題押吏不書名之類事已完結而無規避則批事屬差錯若或囚人招出人賊照行事理內不照追提以致歷年不行顯有規避則曰事屬埋沒照刷州縣刑房卷同

一照刷工房成造船隻文卷洗看何年月日承奉工部劄付坐下本府該造船若干隻每隻計用釘線大

小不等若干斤桐油若干斤麻穰
若干斤其價照依時估對物收買
仰於官錢內放支合用木植着落
人夫採斫當日立案定限行移所
屬州縣起集人夫採辦木植要見
回報起到人夫若干名并所詣處
所及已收買釘線等物時價差委
何人帶領各匠若干名前來其處
興造次將引各行具領狀支鈔依

數收買物料。成造船隻。查筭原估。與收買價鈔相同。已用與原計物料無異。船隻已起。限期不違。事無施行。俱有各行收買物料領狀在卷。則批以照過。若或行移不遲。興工不後。物料不缺。人匠不少。支用物料未盡。原定限期不違。船隻未起。事無施行。則批以通照。其或經違數日。纔方立案。行移其所屬州。

縣合納辦物料人匠。雖已不缺。而船隻亦起。終是怠慢。則批云事屬稽遲。若或派料。或多或少。用工或衆或寡。每船合辦五寸釘線二百斤。却寫作二百五十斤之類。查考中間收買之數。及價鈔。並無尅落。人有各行領狀在卷。如數明白。別無規避。則批事屬差錯。其或造船已完。不見各船用過物料。花銷數。

目及餘下釘線等物責令是何庫
分收貯原計料數多後收買數少
顯有規避則批云事屬埋沒照刷
州縣工房卷同

皇明制書

稽古定制序

昔先王制禮所以別尊卑定貴賤使上下秩然不敢有亂其朝代雖有更革禮樂制度多是相因中間雖損益以合時宜然相因者甚多其所損益小過而已自三代以至唐宋莫不皆然我朝自定天下以來立綱陳紀制禮作樂頒布天下已有年矣至若官民房屋墳塋碑碣亦嘗歷考前代典章斟酌損益

著為定制。豈期姦臣胡惟庸等擅作威福。謀為不軌。故意紊亂條章。是致諸功臣之家。不肯遵守。雖祖宗墳塋碑碣。亦不樹立。甚者無如藍生。越禮犯分。其房屋家奴。至於數百。馬坊廊房。皆用九五間數。又於本家墻垣內。起蓋店舍。招集百工技藝之人。在內居住。與民交易。如此不才。初不知其所以。及至謀逆事發。諸功臣相繼敗露。然後知其不遵定制。蓋欲背朝廷。以待亂而已。其不遵者。以此又如

自古賢人君子出仕於朝。食君之祿。一心在公。務造民福。其於財利之事。畧不經營。為何益。身受重爵。所食之祿。皆出民供。不耕不蠶。坐享富貴。若又興販與民爭利。豈賢人君子所為。是以唐宋為因為官之家。亦有不諳道理。興販沽賣。侵民之利。所以各有禁令。我朝文武官員間。有不循禮法。既享厚祿。猶且貪心不已。徃徃令子弟奴僕家人。坐賈行商。侵奪民利。甚至出外中鹽。倚恃官威。挾制所司。

卷之三
三
撫越資次壞法多端。今特命翰林斟酌唐宋
制度。定到墳塋碑碣丈尺。房屋間架。及食祿
之家。與販禁例。編類成書。永為遵守。嗚呼。敬
聽朕言。永享太平之福。

洪武二十九年十一月望日序

稽古定制

房屋

唐制

一凡王公以下屋舍不得施重拱

藻井

鋪。拱鋪。謂四鋪作五鋪。作及六鋪。七鋪。八鋪。作者即今之界

拱是也。藻井謂天花板井。三品以口內畫以水藻者是也。

上堂舍不得過五間九架。厦兩頭門屋不得過三間五架。五品以上堂

舍不得過五間七架厦兩頭門屋

不得過三間兩架仍通作烏頭大

門為頭大門即今六品七品以下

堂舍不得過三間五架門屋不得

過一間兩架非常叅官不得造抽

心舍及施懸魚瓦獸乳梁裝飾抽

舍即今之穿廊也縣魚謂殿宇屋

山頭傳風枝合尖下所垂之物是

也瓦獸謂官府屋上所設獸頭及

殿宇轉角上飛仙海馬之類乳梁

謂短梁也在其祖父舍宅門廕子

至續方之上

孫雖廢盡聽依仍舊居住其三公
以下及庶人第宅皆不得造樓閣
臨人家庶人所造房舍不得過三
間四架門屋一間兩架不得輒施
裝飾。

宋制

一凡公宇棟施瓦獸門設桱栳諸
州正衙門及城門並施鴟尾不得
施拒鵲。桱栳謂官府門首拒馬又

吻獸是也。拒鵲謂屋脊瓦。六品以獸上鐵。又以拒鳥鵲者也。

上宅舍許作烏頭門。父祖宅舍有者。子孫許仍之。凡民庶家不得施重栱藻井及五色文采為飾。仍不得四鋪飛簷。庶人屋舍許五架門一門。兩廈而已。

一凡屋舍非邸殿閣臨街市之處。毋得為四鋪作闢闢八。

制闢八謂天北拔上

闢八角井口內。非品官。毋得起門。

圭水藻者是也。

屋非官室寺觀毋得彩畫棟宇及朱黝漆梁柱窓牖雕鏤柱礎。

一太祖詔自今觀察防禦團練使刺史知州通判等罷任日具官舍有無破損及增脩文帳以次交付其慎職州縣官得替日具曾脩葺及創造屋宇曆子方許給由如損壞不完者殿一選。

一承平時在京官多無廨宇外任

官有廨舍。而新舊交承。不容他官
居占。今後職事官。並以見占屋宇
為廨舍。更不許移易。

一英宗詔官員廨宇。不得種植蔬
菜出賣。止許供家食用而已。如有
犯者。即重行降黜。雖經赦。不得叙
用。

今定制

一凡官民房屋。並不許蓋造九五

間數及歇山轉角重簷重拱繪畫藻井硃紅門窓其樓房不在重簷之例

公侯前廳中堂後堂各七間門屋三間俱用黑版瓦蓋屋脊用瓦獸梁棟斗拱簷桶綵色繪飾門窓枋柱俱用黑漆油飾及門用獸面擺錫環家廟三間俱用黑版瓦蓋屋脊用花樣瓦獸梁棟斗拱簷桶綵

色繪飾門窓枋柱用黑漆。或黑油飾其餘廊廡庫厨從屋等房從宜。蓋造俱不得過廳堂正屋制度。一品二品廳堂各七間。屋脊許用瓦獸。梁棟斗拱簷桷青碧繪飾。門屋三間。門用綠油。獸面擺錫環。二品至五品廳堂各七間。屋脊許用瓦獸。梁棟斗拱簷桷青碧繪飾。門屋三間。門用黑油。擺錫環。

六品至九品廳堂名三間。梁棟止用粉青刷飾。正門一間。門用黑油鐵環。

一凡品官房屋除正廳外。其餘房舍。許從宜蓋造。北正屋制度務要減小。不許大過。其門窓戶牖並不許用硃紅油漆。

一在京功臣宅舍。地勢寬者。住宅後許留空地十丈。住宅左邊右邊。

各許留空地五丈。若見住舊居所
在地勢窄隘。已有年矣。左右前後
皆是軍民所居。止仍舊居。不許那
移軍民。以留空地。

一京城係人烟輻輳去處。其地有
限。設使官員之家。往往窺覩住宅。
左右前後空地。目侵月占。圍在牆
內。作園種植蔬菜。及為遊翫處所。
甚妨軍民居住。且京城官員不下

數千。若一槩倣倣京城內地多為菜園。百千萬軍民何處居住。今後官員住宅。照衣前定丈尺。不許多留空地。如有過此。即便追出。與軍民居住。令子孫赴官告給園地。另於城外量撥。

一在京文職官員所居房屋。臨時奏請量撥居住。

一凡庶民所居房舍。不得過三間。

五架不許用斗拱及綵色裝飾。其餘從屋雖十所二十所。隨宜蓋造。但不得過三間。

墳塋

唐制

一品方九十步。墳高一丈八尺。
二品方八十步。墳高一丈六尺。
三品方七十步。墳高一丈四尺。
四品方六十步。墳高一丈二尺。

五品方五十步墳高一丈

六品以下並方二十步墳高不過八尺

宋制

與唐制同

今定制

公侯塋地周圍一百步墳高二丈圍

牆高一丈

一品塋地周圍九十步墳高一丈八

尺圍牆高九尺

二品塋地周圍八十步墳高一丈六

尺。圍牆高八尺。

三品塋地周圍七十步。墳高一丈四尺。圍牆高七尺。

四品塋地周圍六十步。墳高一丈二尺。圍牆高六尺。

五品塋地周圍五十步。墳高一丈。圍牆高四尺。

六品塋地周圍四十步。墳高八尺。

七品以下塋地周圍三十步。墳高

尺。

碑碣石獸

唐制

五品以上立碑螭首龜趺。高不過九尺。七品以上立碣圭首方趺。趺上高四尺。其石獸等。二品以上六事。五品以上四事。

宋制

與唐制同

今定制

公侯

石碑螭首高三尺二寸。碑身高九尺。闊三尺六寸。龜趺高三尺八寸。石人二。石馬二。石羊二。石虎二。石望柱二。

一品

石碑螭首高三尺。碑身高八尺五寸。闊三尺四寸。龜趺高三尺六寸。石人二。石馬二。石羊二。石虎二。石望柱二。

二品

石碑蓋用麒麟。高二尺八寸。碑身
高八尺。闊二尺二寸。龜趺高三
尺二寸。

石人二 石馬二 石羊二

石虎二 石望柱二

三品

石碑蓋用天祿辟邪。高二尺六寸。
碑身高七尺五寸。闊三尺。龜趺

高三尺二寸。

石虎二 石羊二 石馬二

石望柱二

四品

石碑圓首高二尺四寸。碑身高七尺。闊二尺八寸。方趺高三尺。

石虎二 石馬二 石望柱二

五品

石碑圓首高二尺二寸。碑身高六尺

五寸闊一尺六寸。方趺高二尺八寸。

石羊二 石馬二 石望柱二

六品

石碑圓首高二尺。碑身高六尺。闊二尺四寸。方趺高二尺六寸。

七品

石碑圓首高一尺八寸。碑身高五尺五寸。闊二尺二寸。方趺高二

尺四寸。

食祿之家。不得與民爭利。

唐制

凡諸王公主及官人。不得遣官屬親事奴客部曲等。在市肆興販。及於邸店沽賣出舉。其遣人於外處賣買給家。非商利者。不在此例。

宋制

凡品官及有廕之人。不許興販。

凡命官得解舉人并有廕子弟及產
鹽州縣公人之家不得販鹽為其恃
賴勢廕撓先支鹽大搭斤重故也

今定制

凡公侯内外文武四品以上官不得
令子弟家人奴僕於市肆開張舖店
生放錢債及出外行商中鹽興販物
貨其有頭匹器物之類遣人於外賣
買以給家用不係商賈取利者不在

禁例。

一古先哲王之制。大邑不過三國之
一。中五之一。小九之一。且如國王所
居之城九里。公侯所居之城止得二
里。伯止得一里二百八十八步。子男
止得一里。古人尊卑之分如此。今已
往功臣之家。不守分限。往往於住宅
前後左右。多占地丈。蓋造亭館。或開
掘池沼。以為遊翫。似此越禮犯分。所

以不能保守前功。共享太平之福。
一古人於地有王氣之處。往往埋金
以厭之。或井其地以洩之。前代帝王
如此用心。今京城已故各官多有不
諳道理。於住宅內自行開挑池塘。養
魚種蓮。以為玩好。非惟洩斷地脉。實
於本家不利。以致身亡家破。今後京
城內官員宅院。不許開挑池塘。亦不
得於內取土築牆。掘成坑坎。

稽古定制終

浙江等處承宣布政使司承准

行在工部堂字壹千陸百陸拾玖號勘
合為民情等事。准行在禮部咨行在禮
科抄出浙江嚴州府知府萬觀奏一件。
故官房屋事。臣近見已故官員之家先
前有因父祖伯叔仕官之時遵奉

國朝稽古定制照品級造屋居住以後祖
父伯叔病故多被小人訟其子孫僭住

違式房屋其受理官司亦不究其造屋
原因輒便依告提問如律房屋斷沒入
官臣竊稽諸唐制其祖父舍宅門廕子
孫雖廕盡聽依仍舊居住前件如蒙

准奏乞

勅工部行移內外衙門但有故官之家曾依
品級起造房屋者除因貪污黜罷着令
改折外其能守法奉公終于本等職事
許令子孫永遠居住如此不惟厲仕者

庶謹之心亦祖父舍宅門廕子孫之盛
典也前件會官議得合准所言宜從行
在工部施行未敢擅便具本正統三年
三月二十日早各官於

奉天門奏奉

聖旨是欽此除欽遵外移咨到部擬各通行
除外合行本司轉屬照依奏奉

欽依內事理一體欽遵施行

隋古定制卷之十五

終